

Berrindustrializazioari ekiteko jarrera ezberdinak dituzte Gasteiz eta sindikatuek

Azua, patronala eta sindikatuek Industri Politikaren jarraipenerako mahaia osatu dute

Jon Azua Industria sailburua Confebask, ELA, CCOO eta UGT sindikatuekin bildu zen atzo Lakuan. Bilera zantzu onez hasi zen, Industri Politika mahai hirukoitz batean aztertzea onartzean, baina siderurgia eta altzairu berezien berrindustrializazioa planteiatu zenean, bakoitzak bereari eutsi zion.

FELIX IRIARTE / GASTEIZ

Jaurlaritzak eginiko eta Gasteizko Legebiltzarrak onartutako industri planaren ebazpenak indarrean jartzeko ahalbidea, Kontseilu Ekonomiko eta Soziala legearen aldaketa eta AHV eta altzairu berezien krisiari nola aurre egin aztertu zuten atzo Jon Azua, Paulino Luesma eta Unai Artetxek Administrazioaren aldetik, Jose Maria Vizcaino Confebasko lehendakariak eta Santiago Bengoa (CCOO), Josu Frade (UGT) eta Josu Elorrietak (ELA).

Lehen puntuan bat etorri ziren hiru aldeak bilera «positiboa» izan zela esateko orduan. Hala ere, sindikatuen ordezkariek ez zuten Azuak aurkezturiko txostenari buruz aparteko baloraziorik egin nahi izan, eta dokumentua sakonean aztertu behar zutela argudiatu zuten. Haatik denak poztu ziren hil honen amaieran-otsailaren 28an- administrazioak, patronalak eta sindikatuek politika industrialaren jarraipena egiteko mahaia osatzeagatik. Bilera horretan sindikatuek abenduaren 9an egin-dako plenoan planteiatu zituzten proposamenak aurkeztuko dituzte.

Arazoak hirugarren puntua eztabaidatu zutenean heldu ziren. Gasteizko Gobernuak ez du AHVri bu-



Azuak sindikatuen adostasuna lortu nahi du Madrilekin negoziatzeko.

ruzko dokumenturik, baina bai irtenbidea bila dezakeen txostena. Aurrerago sindikatuekin bilduko da txosten hori aztertzeko, Azuak sindikatuen baimena lortu nahi duelako, Madrilekin ahalik eta adostasun handienaz negoziatzeko. Sindikatuek berriz, eskaera zehatzak egin zizkion enplegua eta oso egoera larriaren dauden arloak defenda ditzan.

CES LEGEAREN ALDAKETA

Berrindustrializazioari ekiteko «politika eta tresna zehatzak» eskatu zituen Josu Fradek eta gaur egun Administrazioarekiko errezeloe hori dirautela azpimarratu zuen. Administrazioak eta patronalak irtenbidea enpresak txikiagoak izatean bilatu nahi dutela salatu zuen, eta horrek langileengan «mesfidantza»

✓ **Gasteizko Gobernuak ez du AHVri buruzko dokumenturik, baina bai irtenbidea bila dezakeen txostena.**

sortzen duela gaineratu zuen.

Patronalak soldadak murrizteko eskatu du, inbertsioak bideratzeko. «Aurreko birmoldaketan gauza bera eskatu zuten» salatu zuen UGTko idazkari nagusiak. Bere ustez, berrindustrializazioari ekiteko Madrilek eta Gasteizek politika ekonomikoa erabat aldatu beharko lukete, politika horrek «ez duelako inbertsio industrialik sortzen».

Kontseilu Ekonomiko eta Sozialaren Legearen aldaketa aztertzeko batzorde bat martxan jartzea erabaki zuten bildutakoek. Lege hau politika ekonomikorako «tresna garrantzitsua» dela esan zuen Azuak, baina hiru hilabete barruan erabakiko dute aldatu behar den, politika industrialia «egokiagoa» egin ahal izateko.

LAB sindikatuak ez zuen bileran parte hartu, ez zutelako gonbidatu. Jose Luis Cerecedak Luesmari leporatu zion gonbidatu ez izana eta neurri honekin administrazioaren sinergiaritasuna zalantzan geratu dela salatu zuen. «Normalkuntzaren bi-deak urratu nahi ditugu arlo guztietan eta honetan ere» esan zuen, eta deuseztatze industrialaren aurka egingo diren manifestaldietan parte hartzeko dei egin zion langile guztiei.

OLALDE

AHVko langileek manifestazioa egingo dute Bilbon ostegunean

M.A. / BILBO

Datorren ostegunean Bizkaiko Labe Garaietako langileek egingo duten 24 orduko grebaldian Bilbon manifestazioa egitea erabaki zuen atzo Sestaoko lantegian bildu zen sindikatuen batzordeak.

AHVko lantegi nagusiari eusteko, goizeko 11etan bilduko dira Bilboko Arriaga enparantzan Sesta-Barakaldoko, Etxebarri eta Lesakako lantegietako langileak. Hemendik Gran Viara joko dute manifestazioan eta Diputazioa zein Eusko Jaurlaritzaren egoitzen aurrean geldituko dira, beren eskariak jasotzen dituen agiria bertako arduraduneri emateko.

AHVko sindikatuen batzordea osatzen duten UGT, CCOO, ELA, LAB, Koadroen Konfederazioa, ESK-CUIS eta LSB-USO sindikatuak akordioa heldu ziren eta lema bakarrarekin egingo dute manifestazioa, «Enpleguaren defentsan siderurgia integrala mantendu deza-gun» hain zuzen ere.

BESTE BILERA HILAREN 17AN

Era berean, datorren astelehenean bukatuko da sindikatuek AHV eta Ensidesa biltzen dituen Siderurgia Korporazioari bere plangintza aurkezteko jarri zioten epea. Zentzu honetan, hilaren 17an bilduko da berriro ere sindikatuen batzordea, emaitza positiborik ezean mobilizazio berriak aztertzeko.

Batzordea zazpi sindikatueta 27 kidez osaturik dago eta azpibatzaordea da erakundeez harremanez arduratzen dena. Azpibatzaordea UGT, CCOO, ELA eta LAB sindikatueta ordezkariek banak osatzen dute eta jadanik EAJ eta Bilboko Merkatal Ganbararekin bildu dira, AHVko langileen kezka adierazteko. LABeko iturriek salatu dutenez, joan den ostegunean PSOREkin bildu zirenean sozialistek ez zuten sindikatu honen presentzia onartu «KASen barruan egoteagatik».

Nafarroan 1.700 lanpostu gal daitezke aurten CCOOen ustez

T.S. / IRUÑEA

Beste probintzia batzuetan lan arazoak larriagoak badira ere, 1.700 lanpostu gal daitezke aurten Nafarroan, Fernando Viedma CCOOeko ordezkariek azaldu zuten. Industriaren negoziazio mahaia osatzea oso garrantzitsua dela azpimarratu zuen, sindikatu, enpresari eta administrazioaren partaidetzarekin.

Mahai honetan «Nafarroako egoera aztertu, azpiegitura eta oinarriko hornidurak sortu, garatu behar diren industri proiektuak, enpresa txikientzat prestatu behar diren ekintzak eta arlo publiko enpresarialaren eragina gure komunitatean dira aztertu beharreko puntuak» adierazi zuen.

Datorren asteartean UGT eta

CCOOek Madrilan egingo duten kontzentrazioa Nafarroatik 300 ordezkariek joan dira Enpresen itxteak eta plantilen murrizketak «ez dira arazoa konpontzeko bidea, beste mota bateko politikak egin behar dituzte, gizartearen egoerari erantzuten diotenak», adierazi zuen Viedmak.

Kontzentrazio horretan bi arrazoiengatik hartuko dute parte CCOOekoek: «egoera larriaren dauden probintzieta langilekin elkartzuna erakusteko, batez ere EAEkoekin, eta Nafarroako zenbait enpresa jasaten ari diren krisi egoerak sortzen digun kezkatik». Nafarroako industri sektorean arazoak daudela azpimarratu zuen, RENFE, meategiak, ehungintza, eta enpresa batzuk, Lesakako Laminazioak, Perfrisa, etab.

Aforasan ere greba izango da 13an


J.A. / DONOSTIA

Azkoitiako Acerías y Forjas (Aforasa) enpresako ELA, UGT eta CCOO sindikatuek 24 orduko grebara deitu dute datorren 13rako, Acenorrren lantegietan ere greba egingo den egun berean.

Greba hau eta sindikatuek deitu lezaketen gainontzeko mobilizazioen helburua altzairu berezien sektorea osorik hartuko lukeen estrategi plangintza eskatzea da.

Plangintza honetan, Aforasako sindikatuen ustez, enpresa eta sindikatu guztietako ordezkariek parte hartu beharko lukete, euskal eta espainiar administrazioetako ordezkariek gain. Hau izango litzateke «sektorearen egoerari konponbidea aurkitzeko garrantzia bakarra».

Euskal Administrazioa ere irtenbide sektorialaren aldekoa da, baina honetarako arazo nagusia dirua da. Acenorrrentzako Bideragarritasun



Azkoitiako Acerías y Forjas enpresaren lantegia.

Plangintza, ekarriko duen kostu sozialagatik, langileen oposizioa dauka. Bitartean, Sidenor eta Legazpiko Patricio Etxebarria (PESA), sekto-

reko hirugarren euskal enpresa, ez dira ados jarri sektorearen birmoldaketarako egin dituzten negoziatuetan.